

735	<p> ûf sîner unverzagten reise. der selbe kurteise was ein heidenischer man, der toufes kunde nie gewan. 5 Parzival reit balde gein eime grôzem walde ûf einer liechten waste gein eime rîchen gaste. ez ist wunder, ob ich armer man 10 die rîcheit iu gesagen kan, die der heiden vür zimierde truoc. sage ich des mêre denne genuoc, dennoch mac ichs iu mêr wol sagen, wil ich sîner rîcheit niht gedagen. 15 Swaz diende Artuses hant ze Bertane unt in Engellant, daz vergülte niht die steine, die mit edelem arde reine lâgen ûf des heldes wâpenroc. 20 der was tiure ân al getroc; rubîne, calcidône wâren dâ ze swachem lône. der wâpenroc gap blanken schîn. in dem berge zAgremuntin 25 die wûrme salamander in worhten zein ander in dem heizen viure. die wâren steine tiure lâgen drûf tunkel und lieht; 30 ir art mac ich benennen niht. </p>	<p> k. ê nie *T ich arman *G (nur G) dise r. g. (ev g. I Z [Fr18 Fr24]) kan, *G *T ich iu des *T (I) ↓*G *T n. verdagen (dagen L). *G (ohne ZFr24) (Fr69) A. h., *G Britanie unde E., *G die (daz *T) vergülten n. *G (*T) des heiden w. *G (ohne Fr18) die wâren ([D*]: Die worent V) t. *G *T (V) gab liechten sch. *G (nur GI) daz ([D*]: daz U) w. *T ir art mac ich (ich mach L) genennen n. *G *T </p>
-----	---	---